

محل مطبعه و اداره :

جفال اوغلانده امنيت

صندوغى جوارنده

شنگول يقوشنده

۲۲ نومرو

مستطابق

۱۳۲۶

امطار :

مسلكمه موافق آثار

جدیده مع الممنونیه

قبول اولنور

درج ایدلهین آثار اعاده اولنماز

دیر ، فلسفه ، علوم ، ادبیات و سیاسیات و بالخاصه احوال و شؤون اسلامیه در بحث ایدر و هفته ده بر نشر اولنور :

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلاؤین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندربیلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیانی	غروش
۶۵	۳۵	۳۵
۶۰	۳۰	۳۰
۱۷	۹	۹

عدد : ۱۰۸

۲۵ رمضان المبارک پنجشنبه ۱۶ ایلول ۳۲۶

بشنجی جلد

شئون

دولت عثمانیه :

خلیفه حضرتینک بر اراده دبان برورانه لری — فخر کائنات (ص.ع) افندمن حضرتینک تولدخانه لری پنجره لرینه معلق برده لرك خراب اولدینی مسموع خلافتیناهی اولدیغندن تجدیدی خصوصنه اراده بیورلمشدر .

بمن مجلس ترقیقات شرعیه سی — بمن ولایتینده تکیون ابدن دعاوی بی استینافاً رؤیت و تدقیق صلاحیتی حائر اولق اوزره تشکیل بیوریلان (مجلس تدقیقات شرعیه) نك وظائفه دائر قلمه آلنان نظامنامه لایحه سنك شورای دولته تعدیلات و مذاکراتی ختام بوله رق مضبوطه سی تمام صدارته کوندرلمشدر .

دیوانه صرب عرفی قراری — خیال غزته سنك شعائر دینییه مغایر رسم درج ایتمسندن طولانی اداره عرفیه قرارنامه سنك ۶ نجی ماده سنه تطبیقاً مذکور غزته نك بوکوندن اعتباراً بلا مدت تعطیلنه قرار ویرلمشدر .

کوبه پروتستانه واعظی نروسی — سقوریاکویلرندن قره آغاچ نامنده کی قریه ده بر پروتستان مکتبی وارد ، اوراده ایلولک اون یدنجی کونی پروتستان واعظی طویلانوب کایسالر، مکتبلر حقنده بعض مذاکره یاجفلر مش بواجتماعه ، کرک بوراده بولونان، کرکسه استانبولدن کله جک اولان بر چوق میسیونرلر اشترک ایدیلر جک اولدیغنی خبر آلدقه ده اجتماع مرکزی اولق اوزره نهدن بویه صابا برکوی انتخاب ایستدکلرخی اوکره نهدنک . « اسکیشهر »

کنج مصریلر قونفره سی — کنج مصریلر قونفره سنك اجتماعنده قونفره کابی حماد الهلالی مصر مسئله سنندن بحث ایدهرک مصرک انکلتزه نك تحت حمایه سننده تغیر انساله او عرادیله میه جغنی بیان ایلشدر . دعوی وکیلی شباغی قاپیتولاسیونلر مسئله می حقنده بیان مطالعات ایدهرک بونلرک ابقاسنی شدتله التزام ایلش و محتاط محکمه لرك مصرک یکنه استنادکاهی اولدیغنی سویله مشدر . دعوی وکیلی رفیق ، انکلتزه نك اداره سی آلتده اوقوبوب یازمق بیللرک مقداری حال توقفده و دائماً یوزده ۱۵ راده سننده قالدیغندن رت ابله تحصیلک مجبوریتنی تکلیف ایلشدر . بعده قونفره ارکانندن مصری بر قادین تربیه و تعلیم نسوان حقنده صرف مساعی ایدلسنی شدتله طلب ایلشدر .

— کنج مصریلر قونفره سی ایلولک ۲۴ نجی کونی مصرک انکلیزلر طرفندن تخلیه سی و مستقلاً اداره سی حقنده بر قرار اتخاذ ایدلسنی متعاقب تعطیلی اولمشدر .

قافقاسیا

تضییق ناریشی نشریه مت . — باکوده چیقمه قده اولان « حقیقت » رفیق ، ۱۵۵ نوسرو سننده مندرج « حق ایله خان » مقاله سنندن اوتری ، روس حکومتی طرفندن تعطیل اولدی . بونک اوزرینه « حقیقت » محررلرندن وتورک ادباسنک مشهورلرندن احمد کمال بک « کونش » اسمی و عینی مسلکی دیگر بر جریده نك نشرینه باشلادی . « کونش » ک ناشرلری ، خدمات ملیه لری و غیرتلیله نامدار اوروجف قرداشلردر . جناب حق دوام موفقیت و حسن خدمت میسر ایله سون .

دولت علیه — روسیه

عثمانیشر لوئید غزته سنك پترسبورغ مخابر مخصوصی ۲۲ ایلول تاریخیه غزته سنه یازیور :

حکومت عثمانیه نك تأمینات بخشا بیاناتنه رغماً روس افکار عمومیه سی کوندن کونه حکومت مشارالیها علیهنده بر جریان آلور . نیم رسمی بر جریده عدایدان (روسیه) ینه بحر سیاهدن بر روس کولی کبی بحث ایتمک باشلادی . حکومت عثمانیه نك دونماسنی تقویه ایلمه سی بحر سیاهده کی موازنه قوانک غالب اولسنه سبب اولمشدر . بناءً علیه روسیه بحر سیاهده کی دونماسنی تقویه ایتمک و سیواستوپول نیقولایف لیمانلرنده ترقیات اخیریه موافق زرهلیر انشا ایستدیرمک مجبور مش . بو تدابیرک سریعاً اتخاذی روسیه ایچون بر مسئله ایتمش . اکبویوک جرائدن اولان (روسقوئه سلوو) غزته سی بو بنددن بحث ایدرکن دیورکه :

« موسیو ایزوولسکینک پولتیقه سی بزم شرقده کی سیاستمزک سقوطنه سبب اولدی . شرقده روس پولتیقه سی ۱۸۵۶ دن بری بو قدر تنزل ایتمه مشدی . بوکون حکومت عثمانیه هم روسیه ، هم بالقان اسلاو حکومتانه قارشی تهدیدکار بروضیعت آلمغه جالیشور . ترک خلیالرینک ساحه حقیقه چیقمه سی ایچون رسمی « طنین » بحر سیاهک بی طرف بر دکنز حالنه وضعی وروس دونماسنک بحر بالطقه کوندراسنی تکلیف ایلدی . بو تکلیف او قدر غریب و نالایقه مدرکه مذاکره یه بیله دکنز . ینه بو غزته نك فکرینجه بر محاربه مستقبله ده عثمانلی فیلوسی مدافعه سز بوله جنی روس سواحانی بومباردمان ایده جکدر . شو حالده ینه ۱۸۵۵ ده کی فلاکت باش کوستره جک . چونکه اوزمانده روس بحر سیاه فیلوسی ضعیفدی .

ترکلرک مقصدی روسیه بی باحیقا واسویچره در که سنه دوشورمک و بر محاربه مستقبله ده بزی حرکات بحریه اجراسندن منع ایلمکدر . بوضورتله حرکت ایتمک ایچون حکومت عثمانیه روسیه نك غرور ملیسنه واقف اولماملیدر . ترکلر عجبا ینه روس سفیرلرینی یدی قله یه حبس ایلدکلری زمانلرده می ایشامقده اولدقلرینی ظن ایدیورلر ؟ اوزمانلر کچمشدر . و بر دها عودت ایتمیه جکدر . بناءً علیه طنینه یالکنز بر جواب ویریه بیلیرکه بوده روسلرک پک یقین بر زمانده بحر سیاهده قوتلی برزره لی دونماسی وجوده کتیره جکارینی سویله مکدر . (روسقو سلوو) غزته سی مقاله سننی بیترکن بوحاله مانع اولق ایچون یونانستان دخی داخل اولدینی حالده براور تودوقسلیق اتحادی وجوده کتیر یلمه سی و ما کدونیاده کی بوتون خرسیتیانلرک برلشمسنی طلب ایدیور .

شمدی بومقاله بی ، روس دیپلوماتلرینک الهاماتیه یازلمش اولان بومقاله بی تدقیق ایده جک دکلز . یالکنز شونی سویله یه بیلرکه طنینک بوتکلیفی روسلرک قلبنده ترکلره قارشی مدفون اولان حسیات غرضکارانه بی احیایتدی . و بر عثمانلی — روس مقارنتنه یکنه طرفدار اولان موسیو ایزوولسکی روس افکار عمومیه سنه قربان اولدی . شمدی موقعی کنسیدسندن ده اعزم پرور بر ذاته ترک ایده جک .